

Хальмг тохмта малин чинринь ясрулхмн

Хальмг тохмта бод мал төрдж гарсн газрнь — Хальмг республикин газр болдг. Эн мал хальмг теегин газрт джегигъад бээршад, теегин идгт идждлад, батрсн мал.

Болв, германя фашистнр Хальмг республикиг оккупировать келгэнд, хальмг тохмта малин тонь икар багърдж. Даян хон эн малин тонь бсдг болв чигн, тедн тохм ясруллгъна тускар сулар кодлмш кегддж.

Одгя цагт хальмг тохмта сан гисн мал Целинн района «Троицкий», «Ленинский» болн Приозерн района «Сухотинский» совхозмудар, Целинн района «Родина» болн Элст балгъсна «Страна Советов» колхозмудар бааня.

Целинн района «Троицкий», Приозерн района «Сухотинский» совхозмудар хальмг тохмта бод малин тохминь ясруллгъна кодлмш делгрджаня. Эн совхозмудар малиг бонитировать кедж, сан тохмта малин гуртмуд бурдэгъад, онц барджаня.

Приозерн района «Сухотинский» совхозин 2-ч номерта фермд баах хальмг тохмта малиг цааранднь оскхд, эднэ газр, уснь болн идгнь сан, эн ферм деер хальмг тохмта элитн, негдгч болн хойрдгч классин малмуд олн бааня. Эн ферм деер баах укромдин амд чиньнурнь 392-429 килограмм татна. 19 элитн укромдин амд чиньнурнь 501 килограмм. Ода совхозд хальмг тохмта 3326 толгъа мал бааня, теднэс 1648 укромд.

«Сухотинский» болн «Троицкий» совхозмудин фермсар баах малин тохминь ясрулхин кергт «Ставрополь-Кавказский» совхозас хальмг тохмта 19 бух авчирдж. Эднэ тохмин

чинринь болхла элитн болн негдгч классин бухс, гун курем бухсин амд бийнь 775 килограмм татна.

Укромдт искусственин ког та влгънэ зура белдчкв. «Сухотинский» совхозас 120 бурюс талдан совхозмудт болн колхозмудт хулдхар шиидцхав.

Хальмг тохмта малиг улм цааранднь ясрулхин кергт «Санта-Гертруда» бухин цуслла ниилулдж тохм ясрулхар седжаня. «Санта-Гертруда» тохмта хойр бухиг США-н Южн Техасас хулддж авад, Хальмг республикин мал осклгънэ дамшлтин станцур авч ирсн. «Санта-Гертруда» тохмта донн наста бух 927 килограмм татна.

Хальмг тохмта укромдиг «Санта-Гертруда» тохмта буххла харгьулхла, теднэс гарсн тугълмуд 28 килограмм татна, хальмг тохмта бухла харгьулсн укромдас гарсн тугълмуд 26 килограмм татна. «Санта-Гертруда» тохмла ниилсн тугъл 3-н сар курхларн 117 килограмм, эс гидж одр болгън 899 грамм бийиннь чиньнурнь немгдв. Гарсн одрасн авн 6-н сар болтлан одр болгън 877 грамм немгдэд, бийиннь чиньнурнь 167 килограмм курч оев.

Эднэ эдл-ахуд баасн хальмг тохмла ниилсн тугълмуд, гарсн одрасн авн 6-н сар куртлан 158 килограмм болдж оев, эс гидж одр болгън 603 грамм оев.

«Санта-Гертруда» тохмла ниилсн тол йир шулугъар оедж, мах барня. Тегад Хальмг Автономн Республикин специалистнр, хальмг тохмта малиг, эн деер келгдсн тохмла ниилулдж, тохминь ясрулх — эркин чинртя тор болджана.

А. ТОЛМАЧЕВ,
селаня эдл-ахун наукин кандидат.